

Tshenyo ya disekerete tša go mokolwa le tše di sego molaong tša boleng bja R43-million

12 June 2023 – Karolo ya Khasetomo ya Ditirelo tša Motšhelo tša Afrika Borwa (SARS) lehono e thomile go senya disetekere tše di sego molaong le tše di mokotšwego, tša boleng bja R43 million, ka posong ya mollwane wa Beitbridge.

Motlatša Khomišinare, Mrn, Johnstone Makhubu, o boletše gore bontši bja disekerete bo tlo senywa, ke palomoka ya makase a magolo a 2000, goba disekerete tše 20 million, se se ra gore tshenyo ya disekerete tše di sego molaong le tše di mokotšwego e tla tšea matšatši a mmalwa.

Disekerete tše di sego molaong le tša go mokolwa di ile tša tshwarwa ka opereišene ya dietšensi tše mmalwa gammogo le diopareišene tša go sepetšwa ka bohlale bjale ka karolo ya leano la disekerete la Khasetomo, yeo e etelletšwego pele ke sehlopha sa *National Rapid Response Team*, gantši e thekgwa ke Kgoro ya Sešole sa Bosetšhaba ya Afrika Borwa(SANDF), Ditirelo tša Sephodisa tša Afrika Borwa (SAPS) le yuniti ya yona ya Hawks, gammogo le karolo ya Phalalelo ya Kgoro ya Merero ya Selegae.

Motlatša Khomišinare o tladitše ka gore go bile le opereišene ya go swana le ye lenyaga ka Feberware ka posong ya mollwane wa Beitbridge:

- Palo ya mapokisi a magolo a 1211 a disekerete tše di sego molaong tša maswaothekišo a Remington Gold, Chelsea le Royal Express, ka palotekanyo ya boleng bja R26 million, di ile tša tshwarwa.
- Batho ba bane ba ile ba golegwa, dikheisi tša bosenyi di ile tša bulwa mabapi le go gweba ka semokolo sa disekerete tše di sego molaong.
- Ditheraka tše 4, vene e tee le trekere e tee le leterokisi, tše di bego di dirišwa go rwala disekerete tše di sego molaong, di ile tša golegwa ka boleng bja go feta R3 million.

SARS, gammogo le Karolo ya Khasetomo, e na le Nepo ya Leano la go tšwetšapele obamelo ka boithaopo go balefela motšhelo le bagwebi. Se se ra gore SARS e na le ditebo tša leano la go dira gore go be bonolo go obamela, go fana ka tshedimošo le thuto go fana ka tlhaloso le tiišetšo, le go thatafaletša le go lefiša dikotlo tša godimo go bao ba sa obamelego ka bomo.

“Se se ra gore SARS ga e na kgotlelelo le ga tee ya batho goba ditheo tše di amanago le bosenyi bja motšhelo goba kgwebo yeo e sego molaong gomme SARS e tla ba šala morago ntle le go lapa.”

Kgwebo yeo e sego molaong e hlakola mmušo ditseno tše di nyakegago kudu le go senya di intasteri, e gakatša hlokego ya mešomo, bodiidi le tekatekano. Ditšweletšwe tše di tlišwago mo nageng goba di išwago ka ntle, go akaretša difatanaga tše di šetšego di kile tša dirišwa, diruiwa tša maphego, diaparo, matlalo le dilogwa, ditšweletšwa tša go nyakega (koporo le tšhipi) le gauta magareng ga tše dingwe.

Sehlophatšhomo sa dietšensi tša tsenelano (IAWG) se ile sa tlhongwa go šomana le makgate ka moka a kgwebo yeo e sego molaong.,

Molaodi wa Khasetomo le Motšhelophahlogae, Mrn. Beyers Theron, o boletše gore bjale ka karolo ya leano le ponelopele, Khasetomo e beile magato a go fa dikholego go bagwebi bao ba obamelago ka tirišo ya mmotlolo wa *Accredited Economic Operator*. Dikholego tše di akaretša dipolokelo tša theko le phethagalo ya ka pejana, magareng ga tše dingwe. Sammaletee, ka go swana, SARS e gare e phethagatša theknolotši ya mellwane ya go bitšwa SMART go šoma ka bohlale go oketša bokgoni bja yona bja kgeso le karabelo ya go se obamele.

“Ge e sale go bile le dinyakišišo tša tsepelelo tše Khasetomo e bego e didira mengwageng ye meraro ya go feta ka go intasteri ya motsoko le disekerete, go bile le diphetogo tša go bonagala go koketšego e kgolo ya go mokola putlaganyong ya mellwane ka go diriša “runners”. Tše ga di dirwe fela ke batho ka noši ba go mokola disekerete tše bjale ka matsha a kgwebo eupša ke digongwana tša bosenyi tše di gakatšago tlhokego ya mešomo le bohloki ka go hira batho ka noši bjale ka barwadi go rwala dithoto, gantši ba sepela sebaka se se telele, go tshela mellwane.

“Barwadi ba ba rwala bonnyane bja makase a magolo a mabedi a disekerete tše di sego molaong mekokotlong ya bona leetong le lengwe le le lengwe, gantši ba boeletša maeto makga a gantši. Disekerete tše di laišwa ka ditheraka, dinamelwa tše di nnyane tša dithoto, dikoloi le dithekisi, tše di emago mafelong ao a lego kgauswi le mellwane bakeng sa phatlalatšo ya mafelo a go fapana a mmaraka wa selegae,” Gwa realo Mrn. Theron.

Go hwetša tshedimošo enngwe, ikgakaganye le SarsMedia@sars.gov.za